

Član 3.

Član 3. se mijenja i sada glasi:
U tekuću rezervu Budžeta Općine Stari Grad Sarajevo za 2019. godinu izdvaja se 0,31% ukupnih prihoda (bez primitaka i prenesenih sredstava) i ista iznosi 60.000,00 KM.

Član 4.

Član 4. se ne mijenja.

Član 5.

Ove izmjene i dopune Budžeta Općine Stari Grad Sarajevo za 2019. godinu stupaju na snagu osmi dan od dana objavljivanja u Službenim novinama Kantona Sarajevo, a primjenivat će se za budžetsku 2019. godinu.

Broj 02-49-168/19
25. aprila 2019. godine
Sarajevo

Predsjedavajući
Općinskog vijeća
Stari Grad Sarajevo
Dr. sci. **Jusuf Pušina**, s. r.

Na osnovu člana 25. Statuta Općine Stari Grad Sarajevo - Prečišćeni tekst ("Službene novine Kantona Sarajevo", broj 20/13) i člana 9, 14. i 15. Odluke o priznanjima Općine Stari Grad Sarajevo ("Službene novine Kantona Sarajevo", broj 5/10 i 29/18), Općinsko vijeće Stari Grad Sarajevo je, na prijedlog Komisije za priznanja, na sjednici održanoj 25. aprila 2019. godine, donijelo

ODLUKU

O DODJELI PRIZNANJA OPĆINE STARI GRAD SARAJEVO ZA 2019. GODINU

I

OPĆINSKA POVELJA SA ZLATNIM ŠTITOM

Pojedinačno priznanje "Općinska povelja sa zlatnim štitom" se dodjeljuje:

- **JUSKO MEHMEDU**

koji se, svojim požrtvovanim djelovanjem, naročito istakao u organizovanju i izvođenju odbrane na području Općine, te otklanjanju opasnosti od ratnih razaranja njenog područja.

- **Posthumno DERVIŠKADIĆ OMERU** - Komandiru vatrogasne jedinice "Mustafa Dovadžija",

koji je dao život svojim požrtvovanim djelovanjem na zaštitu i spašavanju agresijom ugroženog stanovništva.

II

POVELJA SA GRBOM OPĆINE STARI GRAD SARAJEVO

Pojedinačno priznanje "Povelja sa grbom Općine Stari Grad Sarajevo" se dodjeljuje:

- **POTUROVIĆ TARIKU** - Predsjedavajućem Općinskog vijeća Stari Grad Sarajevo u mandatnom periodu 1995. - 1997. godine;

za izuzetan doprinos na razvoju komunalne infrastrukture Općine Stari Grad Sarajevo;

- **MUJEZINOVIĆ MUSTAFI** - Predsjedniku Skupštine Općine i Načelniku Općine Stari Grad Sarajevo u mandatnom periodu 1994. -1996. godina

za izuzetan doprinos u izgradnji i jačanju institucija lokalne zajednice u Općini i njenoj afirmaciji u zemlji i inostranstvu;

III

ZLATNI SEBILJ

- **ŠETA ZILHA - TETKA** - Upravnica Narodne kuhinje "Stari Grad Sarajevo".

- **ROVČANIN BEHUDIN** - Profesor i direktor u JU Srednja škola za tekstil, kožu i dizajn Sarajevo.

koji su dali naročito doprinos u razvoju i afirmaciji Općine, razvoju međunarodnih i međuljudskih odnosa na načelima solidarnosti, demokratičnosti, humanosti i tolerancije među ljudima.

IV

POLICAJAC GODINE

- **HRVO EMIRU** - policijskom službeniku I Policijske uprave - Policijska stanica Stari Grad Sarajevo:

za izuzetan doprinos i postignute rezultate u zalaganju za ostvarivanje što povoljnije bezbjedonosne situacije na području Općine Stari Grad Sarajevo, u prethodnom jednogodišnjem periodu.

V

ZAHVALNICA OPĆINE STARI GRAD SARAJEVO

- **MULABDIĆ ADEMIRU** - Organizatoru otpora 1992. godine,

- **Profesoru AHMETU KAPIDŽIĆU** - učesniku u postupku utvrđivanja Dejtonske granice na izvorištu rijeke Moščanice,

- **CVRČAK HUSEINU** - policijskom službeniku I Policijske uprave - Policijska stanica Stari Grad Sarajevo,

koji su dali naročito doprinos u razvoju i promovisanju Općine u oblastima od značaja za Općinu Stari Grad Sarajevo.

VI

Priznanja, utvrđena ovom Odlukom, dodjeljuje Općinsko vijeće Stari Grad Sarajevo na svečanoj sjednici Općinskog vijeća, zakazanoj povodom Dana Općine ili u dane utvrđene Odlukom o obilježavanju značajnih događaja, datuma i ličnosti iz perioda agresije 1992.-1995. godine kao i u drugim prigodama.

VII

Ova Odluka stupa na snagu danom objave na oglasnoj tabli Općine, a naknadno će biti objavljena u "Službenim novinama Kantona Sarajevo".

Broj 02-49-153/19
April, 2019. godine

Predsjedavajući
Općinskog vijeća
Stari Grad Sarajevo
Dr. sci. **Jusuf Pušina**, s. r.

Na osnovu člana 68. Zakona o građevinskom zemljištu Federacije Bosne i Hercegovine ("Službene novine Federacije BiH", broj 25/03, 16/04 i 67/05), člana 36. Odluke o građevinskom zemljištu Općine Stari Grad ("Službene novine Kantona Sarajevo", broj 7/15) i člana 25. Statuta Općine Stari Grad Sarajevo ("Službene novine Kantona Sarajevo", broj 20/13), Prečišćeni tekst, Općinsko vijeće na sjednici održanoj dana 25.04. 2019. godine, donijelo je

ODLUKU

O VISINI NAKNADE ZA POGODNOSTI GRADSKOG GRAĐEVINSKOG ZEMLJIŠTA - RENTE NA PODRUČJU OPĆINE STARI GRAD SARAJEVO ZA 2019. GODINU

Član 1.

Ovom Odlukom utvrđuje se visina naknade za pogodnosti gradskog građevinskog zemljišta - rente po m² koju plaćaju fizička lica i pravna lica radi građenja ili izvedenih radova u postupku legalizacije objekata.

Član 2.

Visina naknade za pogodnosti gradskog građevinskog zemljišta-rente utvrđuje se po zonama u procentu od konačne prosječne građevinske cijene 1 m² stambene površine koja iznosi 1.230,3 KM/m² i to kao fiksni procenat rente: